


# Safnaðarblað Glerárkirkju

2. tbl. 16. árg.

Október 2003



## Nýr prestur í Glerárkirkju

Þann 1. september s.l. fjölgaði prestum Glerárkirkju og eru þeir nú tveir. Sr. Gunnlaugur Garðarsson sóknarprestur og nýji presturinn, Sr. Arnaldur Bárðarson.

Sr. Arnaldur er 37 ára Akureyringur, alinn upp á Norðurbrekkunni í Löngumýrinni. Foreldrar hans eru Bárður G. Halldórsson fv. menntaskólakennari og Álfhildur Pálsdóttir kennari. Sr. Arnaldur er kvæntur Ingibjörgu Jóhannsdóttur og eiga þau fimm syni. Sr. Arnaldur var fræðslufulltrúi kirkjunnar á Norðurlandi á árunum 1992- 1996, síðan prestur á Raufarhöfn í eitt ár og prestur í Ljósavatnsprestakalli með búsetu á Hálsi í Fnjóskadal frá vordögum 1997. Auk þess hefur sr. Arnaldur starfað sem grunn- og framhaldskólakennari í hinum ýmsu skólum.

Íbúum sóknarinnar hefur fjölgað umtalsvert á síðustu árum og teljast nú ríflega sjö þúsund. Því var löngu tímaþætt að fjölga prestum við sóknina til að efla og styrkja starfið.

## Vorið í kirkjunni

Þegar tekur að hausta og gróður jarðar býr sig undir vetrarhildina verða kaflaskil í menningarlífi samfélagsins. Þannig er því einnig varið um lífið í kirkjum landsins. Mikil gróska er víða í safnaðarstarfi og fjölbreytnin eykst ár frá ári. Allt er þetta samkvæmt þeim vilja og í þeirri viðleitni að mæta fólki í aðstæðum nútíðarinnar og að gera boðskapinn aðgengilegri. Allt er það af hinu góða, en breytir þó ekki þeim staðreyndum að flest berum við ábyrgð á eigin viðbrögðum. Hvað gerum við þegar Kristur kallar? Hvert er okkar svar í orði og verki?

Í þessu litla blaði viljum við minna á nokkra liði í hinu fjölpætta starfi sem er að hefjast í Glerárkirkju á þessu hausti og hvetja þig lesandi góður til þátttöku. Kirkjan þín er það samfélag trúarinnar sem Kristur Jesús stofnaði til. Þar veitir hann öllum sem til hans vilja koma andlega næringu sem varir. Sú næring veitir heilnæma lífssýn, nýtt og heilt hjarta og stöðugan anda.

Myndin hér á síðunni fylgir barnaefni vetrarins. Hún á að minna á að það samfélag trúarinnar, sem kirkjan á að vera, er á ferð í gegnum tímann. Myndin minnir á að við mannfólkið erum af ýmsum gerðum og ólík og lík í senn, en eigum þó fyrir Guðs handleiðslu hið sama markmið. Lífsins ólgusjór getur á stundum orðið viðsjálverður, en huggun og gleði er okkur í vitundinni um að Kristur er með í för. Framundan bíður okkar guðsríkið góða, sem fyrir trúna er þegar tekið að vaxa í hjörtum allra Guðs barna.

Í bæn um Guðs blessun og von um að fá að sjá þig í kirkjunni í vetur.

Sr. Gunnlaugur Garðarsson

# Starfið í kirkjunni

## Mömmumorgnar í Gleráirkirkju

Eitt af því sem tilheyrir vetrarstarfi Gleráirkirkju eru mömmumorgnar. Opíð hús verður fyrir foreldra og börn alla fimmtudagsmorgna í vetur frá kl. 10-12. Stjórnina í vetur skipa þær sömu og síðasta vetur, Anna Guðný Egilsdóttir og Pia Maud Petersen, en þær hafa sér til samráðs Þórhildi Þórhallsdóttur (ráðskonu) í kirkjunni. Nú í haust bættist Íris Huld Heiðarsdóttir í hópinn.

Nóg er af leikföngum fyrir börnin að dunda við á meðan foreldrar spjalla saman og kynnast hvort öðru. Boðið er

upp á safa fyrir börnin og kaffi eða te fyrir fullorðna. Þetta er mjög skemmtileg leið fyrir bæði börn og fullorðna til að komast aðeins út og kynnast öðrum. Við fáum ýmsa aðila í heimsókn sem flytja okkur stutt fræðsluerindi og þar gefst einnig tækifæri til að koma með fyrirspurnir. Auglýst verður vikulega í Dagskránni hvað er í gangi hverju sinni. Þar sem um opíð hús er að ræða eru allir velkomnir.



## Kór Gleráirkirkju

Kór Gleráirkirkju er blandaður kór sem var stofnaður árið 1944 og hét þá Kirkjukór Lögmanshlíðarsóknar. Kórinn fagnar því sextíu ára afmæli á næsta ári. Kórinn hefur það að aðalmarkmiði að syngja við athafnir í Gleráirkirkju og halda tónleika með reglulegum hætti auk þess sem hann kemur fram við ýmis tækifæri og hafa leiðir hans legið víða, meðal annars til útlanda. Fyrsti stjórnandi kórsins var Áskell Jónsson frá Mýri í Bárðardal, sem stjórnaði honum allar götur fram til ársins 1987 er Jóhann Baldvinsson var ráðinn organisti við Gleráirkirkju. Árið 1997 tók svo núverandi söngstjóri, Hjörtur Steinbergsson, við. Í kórnum eru nú 35 manns.

Meðal stærri verkefna, sem kórinn hefur tekist á við, má nefna Messu í G dúr e. Franz Schubert (1981) undir stjórn Áskels Jónssonar, Þýska messu e. Franz Schubert (1992) undir stjórn Jóhanns Baldvinssonar, Requiem (Sálumessu) e. W.A. Mozart (1996) með Símfónihljómsveit Norðurlands undir stjórn Guðmundar Óla Gunnarssonar, Messe Solennelle e. Charles Gounod



## Alfanámskeið

### - góðar stundir í kirkjunni þinni

Í vetur verður boðið upp á Alfanámskeið í Gleráirkirkju en slík námskeið fara nú sigurför um heiminn. Alfa er 10 vikna námskeið um kristna trú. Hver samverustund hefst með sameiginlegum kvöldverði þá er kennsla í um 40 mínútur og síðan umræður og að lokum stutt helgistund.

Námskeiðið er kjörið fyrir alla þá sem vilja fræðast um kristnina og viðhorf hennar til margvíslegra mála samtíðarinnar. Alfanámskeiðunum er í

senn ætlað að fræða og styrkja og byggja fólk upp til betra og innihaldsríkara lífs þar sem glímt er við grundvallarspurningar lífsins auk þess sem námskeiðin bjóða upp á skemmtilegt samfélag fólks. Námskeiðin verða á miðvikudagskvöldum í vetur frá kl 19.30 til 22.00.

Kynningarfundur verður miðvikudaginn 8. október kl 19.30.

Umsjónarmaður er Sr. Arnaldur Bárðarson.



*Sr: Arnaldur Bárðarson, Sólrún Haraldsdóttir, Katrín Möller, Ásta Magnúsdóttir, Ósk Sigurðardóttir og sr: Gunnlaugur Garðarsson.*



(1999) og Messa di Gloria e. Giacomo Puccini (2001) í samvinnu við fleiri kóra á Eyjafjarðarsvæðinu og Sinfóníuhljómsveit Norðurlands undir stjórn Guðmundar Óla Gunnarssonar, að ógleymdum Requiem op. 48 e. Gabriel Fauré (2002) og Misa Criolla e. Ariel Ramirez (2003) undir stjórn núverandi söngstjóra, en tvö síðasttöldu verkin hyggst kórinn flytja aftur á tónleikum í Reykjavík og á Akureyri næsta vetur í tilefni af 60 ára afmæli sínu.

Kórinn er nýkominn úr söngferðalagi um Austurland, þar sem hann hélt tónleika á þremur stöðum, í Egilsstaðakirkju, Seyðisfjarðarkirkju og í Egilsbúð á Neskaupsstað. Efnisskráin var mjög fjölbreytt og skemmtileg, íslensk þjóð-

lög og sönglög, bítlalög, madrígalar, afrísk-amerísk trúartónlist og margt fleira. Einsöngvari á þessum tónleikum var einn félagi úr kórnum, Jón Eðvarð Ingólfsson, Daníel Þorsteinsson fór hamförum á flygilinn og Hjörtur Steinbergsson stjórnaði öllu saman. Var góður rómur gerður að söng kórsins. Ferðin tókst í alla staði afar vel og skemmtu flytjendur og áheyrendur sér hið besta. Á Seyðisfirði skelltum við okkur á ball með Geirmundi Valtýssyni og dönsuðum langt fram á nótt.

Til gamans grípum við hér niður í gagnrýni, sem Ívar Aðalsteinsson, tónlistarkennari á Akureyri, skrifaði í Morgunblaðið eftir að hafa hlustað á kórinn er hann kom fram á lokatónleikum á Kórastefnu í Mývatnssveit 15. júní í vor:

„Eftir hléið hélt Kór Glerárkirkju áfram og nú voru afrísk-amerískir sálmur á efnisskránni. Byrjað var á Deep River við geðþekkan undirleik Daniels Þorsteinssonar. Kórinn blómstraði þéttur, samtaka og rytmiskur og sönggleðin leyndi sér ekki, og ekkert síður í næstu lögum: Poor man Lazarus, Nobody knows, Swing low, Joshua fit the Battle of Jericho og Certainly Lord. Flutningurinn var oft stórglæsilegur og hrífandi og skær rödd Hauks Steinbergssonar, sem söng einsöng í tveimur síðasttöldu verkunum, féll vel að hljómi kórsins. Frábærla útfærður meðleikur Daniels kórónaði svo allt eyrnakonfektíð.“

Þeim sem hafa áhuga á að slást í hópinn er bent á að hafa samband við söngstjóran, Hjört Steinbergsson, í síma 862 2316.



## Andlegt ferðalag og Tólf sporin

Boðið verður upp á **Tólf sporin - andlegt ferðalag** - í Glerárkirkju í vetur, á mánudögum kl. 20.00. Um er að ræða námskeið eða vinnuferli þátttakenda þar sem rætt er um lífið og tilveruna.

Tólf spora vinna hentar öllum þeim sem í einlægni vilja dýpka sínar tilfinningar og öðlast betri liðan og meiri lífsfyllingu og hefur slík vinna í litlum hópum reynst mjög góður vettvangur. Í lokin á hverjum fundi er helgistund í kapellunni.

Fyrstu þrjár fundirnir eru opnir, þ.e. 29. sept., 6. og 13. okt., þannig að þó að fyrsti fundurinn sé búinn er ennþá tækifæri til að koma og vera með.

Þátttakendur frá liðnum vetri hafa lýst yfir mikilli ánægju með námskeiðið. - Þórhildur og Sigríður.

## Kvenfélagið Baldursbrá

Vetrarstarf félagsins er hafið og eru fundir einu sinni í mánuði í Glerárkirkju.

Eins og áður er félagið með ýmskonar fjáröflunarstarfsemi og rennur ágóðinn til líknarmála. Einnig hugsum við um að fegra kirkjuna okkar eins og steindi glugginn fyrir ofan aðalinnanganginn ber vitni um.

Í byrjun vetrar er fyrirhugað bingó og skrautskriftarnámskeið, 30. des.

verður jólaball fyrir börnin og verður það auglýst nánar síðar.

Félagskonur koma saman á fimmtudagskvöldum í Glerárkirkju (sal niðri) og eru með ýmskonar handavinnu. Við þurfum líka að gera eitthvað fyrir okkur sjálfar, þá erum við sterkari í að hjálpa öðrum. 11. okt. n.k. höldum við árshátíð á Hótel Norðurljós á Raufarhöfn með vinakvenfélagi okkar sem er Kvenfélag Raufarhafnar.



Fyrirhuguð er útgáfa á bók um sögu kvenfélagsins Baldursbrár í tilefni 85 ára félagsins 8. júní 2004. Guðrún Sigurðardóttir hefur tekið bókina saman.

Nýir félagar eru ávallt velkomnir í félagið.

E.h. stjórnar,  
Hildur Marinósdóttir, varaformaður.

# Athafnir í Glerárkirkju í október og nóvember



Sunnudagur 5. október

**Barnasamvera kl 11**

**Guðsþjónusta kl 11**

Sunnudagur 12. október

**Barnasamvera kl 11**

**Messa kl 11**

Fimmtudagur 16. október

**Samvera eldri borgara kl 15**

**Ræðumaður: Prófessor**

**Sigríður Halldórsdóttir**

Sunnudagur 19. október

**Barnasamvera kl 11**

**Messa kl 11**

Sunnudagur 26. október

**Fjölskylduguðsþjónusta kl 11**

Sunnudagur 2. nóvember

**Barnasamvera kl 11**

**Messa kl. 14**

Sunnudagur 9. nóvember

**Barnasamvera kl 11**

**Guðsþjónusta kl 11**

Fimmtudagur 13. nóvember

**Samvera eldri borgara kl 15**

Sunnudagur 16. nóvember

**Barnasamvera kl 11**

**Messa kl 11**

Sunnudagur 23. nóvember

**Barnasamvera kl 11**

**Guðsþjónusta**

**Lögmannshliðarkirkju kl 14**

Sunnudagur 30. nóvember

**Fjölskylduguðsþjónusta kl. 11**

## Munið!

Opið hús fyrir foreldra og börn alla fimmtudaga kl. 10-12.

Kyrrðar- og tilbeiðslustund alla þriðjudaga kl, 18.10.

Hádegissamvera alla miðvikudaga frá kl. 12-13.

### Glerárkirkja

#### Sr. Gunnlaugur Garðarsson

Viðtalstímar í kirkjunni **þriðjudaga** og **fimmtudaga**  
**kl. 16.30-17.30** og á **miðvikudögum** og **föstudögum**  
**kl. 11-12** og **eftir samkomulagi**.

Símar: Í kirkju **464 8808**, fax **464 8809**, heima **462 7676**  
og GSM **864 8455**. Netfang: [srgunnlaugur@simnet.is](mailto:srgunnlaugur@simnet.is)

#### Sr. Arnaldur Bárðarson

Viðtalstímar í kirkjunni **mánudaga** til **fimmtudaga**  
**kl. 11-12** og **eftir samkomulagi**.

Símar: Í kirkju **464 8802**, heima **462 6605** og  
GSM **864 8456**.

Netfang: [arnaldur@glerarkirkja.is](mailto:arnaldur@glerarkirkja.is)

### Starfsmenn við Glerárkirkju:

#### Umsjónarmaður er Sverrir Pálmason.

Hann er við daglega kl. **11-16**. Sími **464 8800**.

Heimasími hans er **462 2491** & GSM **864 8453**.

#### Organisti er Hjörtur Steinbergsson.

Sími **464 8804** & GSM **862 2316**.

#### Ráðskona er Þórhildur Þórhallsdóttir.

Heimasími hennar er **462 4258** & GSM **862 4258**.

**Kirkjuverðir** eru **Bertha Bruvik** sími **865 4556** og

**Jón Oddgeir Guðmundsson** sími **894 4301**.

